



Broj:27/01-05-944/13
Sarajevo,14.02.2013.godine

SKUPŠTINA KANTONA SARAJEVO
n/r Predsjedavajuće Skupštine

PREDMET: Odgovor na poslaničko pitanje

Na 23. sjednici Skupštine Kantona Sarajevo održane dana, 30.01.2013.godine, u okviru tačke Dnevnog reda "Poslanička pitanja, inicijative i odgovori", **zastupnica Edina Papo, postavila je slijedeće poslaničko pitanje:**

„Ministarstvo za Stambenu politiku je dobilo saglasnost za objavu Javnog konkursa u 2012.godini za popunu radnih mjesta državnih službenika u Ministarstvu stambene politike KS za radna mjesta na četiri pozicije; jedan stručni savjetnik i tri državna službenika. Pravo prvenstva bi imali uposlenici Ministarstva stambene politike koji su stekli VSS uz rad, a radili su kao namještenici više od 10 godina u organima uprave, a pogotovo za uposlenike kojima je Ministarstvo stambene politike platilo školovanje.

Navedeni javni konkurs je objavljen 14.11.2012.godine u dnevnim novinama „Oslobođenje” i „Avaz”. Na isti se prijavio veliki broj kandidata.

Konkurs je poništen 12.12.2012.godine po dolasku ministra Čedomira Lukića u Ministarstvo.

Zašto je poništen Pravilnik o unutrašnjoj organizaciji Ministarstva stambene politike KS koji je donesen i usvojen u skladu sa propisima?

Zašto je ministar unatoč novčanoj šteti od oko 6.000,00 KM, koju je nanio Ministarstvu poništavanjem konkursa bez ikakvog obrazloženja to uradio, a znamo da svaka objava bilo kojeg konkursa i poništavanjem istog se plaća iz Budžeta KS?

Od uvaženog ministra tražim pismeni odgovor.”

Odgovor:

Tačan je navod da je Vlada Kantona Sarajevo dala saglasnost, za popunu radnih mjesta a ne za objavu javnog konkursa. Saglasnost za popunu radnih mjesta državnih službenika u Ministarstvu

stambene politike Kantona Sarajevo se odnosila na četiri državna službenika odnosno na jednog stručnog savjetnika i tri (3) stručna saradnika, a data je nakon izglasavanja nepovjerenja Vladi Kantona Sarajevi na sjednici Skupštine Kantona Sarajevo od 21.09. i to Zaključkom Vlade Kantona Sarajevo broj: 02-05-27385-7/12 od 25.10.2012.godine.

Javni konkurs objavljen dana 14.11.2012.godine sedam dana prije imenovanja nove Vlade Ministarstvo stambene politike je obavjestilo Agenciju da obustavi postupak javnog konkursa na osnovu Zaključka Vlade Kantona Sarajevo broj:02-05-29380-5.4/12 od 29.11.2012.godine, kojim je stavljen van snage Zaključak Vlade Kantona Sarajevo broj:02-05-27385-7/12 od 25.10.2012.godine o davanju saglasnosti Ministarstvu stambene politike Kantona Sarajevo za popunu upražnjenih radnih mjesta na neodređeno vrijeme, a prije svega iz razloga opredjeljenja da se u vrlo teškoj finansijskoj situaciji (očekivani deficit od 120.000.000,00KM) ne poveća broj uposlenih u administraciji, a samim tim i masa sredstava za tekuće rashode.

Vaši navodi da su na raspisanom konkursu pravo prvenstva trebali imati uposlenici Ministarstva stambene politike koji su stekli visoku stručnu spremu uz rad, a radili su kao namještenici više od deset godina u organima uprave, nisu pravno utemeljeni. U periodu od 2006. godine do 2008.godine Ministarstvo stambene politike je finansiralo školovanje uz rad za samo jednog namještenika, ne isključujući mogućnost da u nekoj narednoj fazi i vremenskom periodu pruži istu ili sličnu pomoć i drugim uposlenicima, ali samo u skladu sa pozitivnim zakonskim propisima, a u konkretnom slučaju i onima koji su samostalno finansirali svoje školovanje uz rad. Po Evropskoj konvenciji o zaštiti ljudskih prava i osnovnih sloboda sa dodatnim protokolima, članom 14. je utvrđeno da se uživanje prava i sloboda predviđenih ovom Konvencijom osiguravaju bez diskriminacije po bilo kojoj osnovi, kao što su: pol, rasa, boja kože, jezik, vjeroispovjest, političko ili drugo mišljenje, nacionalno ili socijalno porijeklo, veza sa nekom nacionalnom manjinom, imovno stanje, rođenje ili drugi statusi.

Iz naprijed navedenog slijedi da bi provođenje konkursne procedure uz davanje prava prvenstva bilo kojoj kandidatkinji ili kandidatu u Agenciju za državnu službu Federacije Bosne i Hercegovine predstavljalo diskriminirajuću normu i kršenje osnovnih ljudskih prava i sloboda, a Evropska konvencija o zaštiti ljudskih prava i osnovnih sloboda sa dodatnim protokolima je sastavni dio Ustava Bosne i Hercegovine i ima nadnacionalnu primjenu.

Pravilnik o unutrašnjoj organizaciji Ministarstva stambene politike broj 27/01-02-26220/12 od 02.10.2012.godine, na koji je saglasnost dala Vlada Kantona Sarajevo Odlukom broj:02-05-27385-3/12 od 25.10.2012.godine, koji je kako se vidi prihvaćen od Vlade Kantona Sarajevo mjesec dana iza izglasavanja nepovjerenja Vladi 21.09. po osnovu kojeg je i traženo novo upošljavanje kao i po kojem su rješenja uposlenicima izdata pet (5) dana prije imenovanja nove Vlade, nije poništen, nego je isti u skladu sa Zakonom prestao da važi zbog donošenja novog Pravilnika broj 27/01-02-30097/12 od 07.12.2012.godine na koji je dala saglasnost Vlada Kantona Sarajevo, Odlukom broj:02-05-30326-21/12 od 13.12.2012.godini, što je u skladu sa zakonskim procedurama i provedeno.

Cijenimo neosnovanim Vaše tvrdnje da je Ministar stambene politike prouzrokovao štetu u Ministarstvu stambene politike u iznosu od 6.000,00 KM zbog obustavljanja konkursne procedure, jer se navedena procedura odvijala isključivo u skladu sa Zaključcima Vlade Kantona Sarajevo, a dužnost Ministra je da po istim postupi, sagledavajući realne potrebe Ministarstva stambene politike kao i finansijske mogućnosti u skladu sa prihvaćenim politikama Vlade Kantona Sarajevo. Stvarna vrijednost započete i obustavljene procedure ne predstavlja ni 1/3 navedenog iznosa a smatramo

daleko većom štetom da je procedura provedena do kraja koja bi bila tada iskazana kroz iznos primanja nova četiri državna službenika (plaće+naknade kroz duži vremenski period).

S poštovanjem,

Informatički obradila: Mirsada Somo, viši referent za informatiku
Obradila: mr.sci. Almasa Zubović, sekretar ministarstva

MINISTAR

Čedomir Lukić, dipl.ing.arh

Dostaviti:

1. Naslovu
2. Sekretar Skupštine Kantona Sarajevo
3. Sekretar Vlade Kantona
4. a/a



web: <http://msp.ks.gov.ba>
e-mail: msp@msp.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

